

Diteng

Kanegelo ya 1:

Tseba maswao a tsela.....2



Kanegelo ya 2:

Goroga o phela.....10



EXTRACT PAGES

Tseba maswao a tsela

Dipotšišo tša pele ga go bala

1. Naa o a tseba gore tseleng go na le melao?
2. Ke ka lebaka la eng go na le melao?
3. Ke ka lebaka la eng go le bohlokwa gore o ithute maswao a tsela?



Ke maswao a tsela
a o a tsebago?



Naa o a tseba gore tseleng go na le melao? Ga se mafelo ka moka moo o dumeletšwego go sepela. Ithute maswao a tsela gore o bolokege moo o sepelago. Maswao a thuša baotledi le basepelakadinao mmogo.



Leswao le le laetša gore go na le sekolo kgauswi.

Leswao le laetša gore bana ba sekolo ba feta moo.

Le laela boradikoloi go otlela ka tlhokomelo.



Ekaba go
bolokegile go latela
motho yo a etilego
pele
seswantšhong?

Ekaba leswao le lona o a le tseba?
Leswao le laetša gore basepelakadinao ba
dumeletšwe.
Dikoloi tše di fetago mo di emela
basepelakadinao ba feta.



Ekaba leswao le la paesekekela o a le tseba?
Leswao la paesekekela le dumelela
dipaesekekela go sepela moo.
Ge o sepela ka paesekekela o sepela moo o
lokologile.



Naa le lona leswao o a le tseba?
Leswao le laela batho le dikoloi go ema.
Ba swanetše go feta ge fela go bolokegile.
Ge o ka ema, o tla kgona go lemoga ge go
ka ba le dikoloi tše dingwe tše di tlogo.



Roboto ge e hlagišitše mmala wo mohubedu e re ema.

Mmala wo mohubedu wa roboto o laetša kotsi.

Ge o ka tsena, o ka hlagelwa ke kotsi.



Roboto ge e hlagišitše mmala wo moserolane e re itokiše. Mmala wo moserolane wa roboto o a go phafōša. O tsebe gore e kgauswi le go go bulela. Go bohlokwa go dula o itokišitše.



Ke mebala ye
mekae ye bohlokwa
ya roboto?



Roboto ge e hlagišitše mmala wo
motalamorogo e re feta.

Mmala wo motalamorogo wa roboto o ra
gore feta.

Efela o swanetše go netefatša gore go
bolokegile go feta.

Dipotšišo tša pele ga go bala

1. Naa o a tseba gore tseleng go na le melao?
2. Ke ka lebaka la eng go na le balaolasephethephe the ditseleng?



Barutwana ba bantši ba tshela tsela ya lephefo ya R39. E aroganya motse wa Twantwadi le dikolo tše mmalwa. Tsela ye e a ratwa gobane e ya mafelofelo. Balaolasephethephe the ba thuša barutwana kudu ka polokego mebileng.